

廣異記夔州有道士王洪明舌長呼字不正乃日誦道德經
忽夢道君爲剪其舌既覺語遂正

灰袋佯狂麻襦卓越

神仙傳蜀有道士佯狂俗號爲灰袋翟天師之弟子也翟每
戒其徒勿輕此人吾所不及嘗大雪中布衣褐入青城山暮
投蘭若求宿僧曰貧僧一衲而已矣天寒如此奈何灰袋曰
一牀足矣夜半風雪益甚僧意其卒往視之去牀數尺氣如
蒸炊流汗袒寢未曉不辭而去曾病口瘡數月狀若將死村
人素神之因爲設齋齋散忽謂眾曰試窺吾口中何物乃張
口如箕五臟悉露莫不驚異後不知所終

道藏輯要

三洞羣仙錄

一區

翼集四

晉逸史麻襦者莫得其姓名石季龍時在魏乞句常著麻襦
布衣故時人謂之麻襦言語卓越狀如狂者乞得米穀不食
輒散之頗顯神異與高僧圖澄極爲交友

薊驢蟲流王屍泉涌

神仙傳薊子訓嘗駕驢車與諸生俱詣許下道過滎陽止主
人舍而所駕之驢忽然卒僵蛆蟲流出主遽白之子訓曰乃
爾乎方安坐飯食畢徐出以杖扣之驢應聲奮起行步如初
茹亭客話王客者失其名及鄉里常携筇挈籃引一斑犬往
來叩棘間以採藥爲事天禧戊午歲遊青城山迴臨叩宰師
仲由召之與語曰吾野人也久居城市頗思歸鄉誠有奉託